



60

1 2 3 4 5 6 7 8 9

70

1 2 3 4 5 6 7 8 9

80



1 2 3 4 5 6 7 8 9

C40-4514

丁翁上座請大藏及百
家書置一武州紫雲山
我徵笑指揮知事中永
為學者不貢許出院內
當山二世藏主氏謹誌



B 64853



林泉老人許唱授子丹霞

頌古捲序

古今拈頌不為之少叢林
戶知之者惟四家而已竊
窺先覺利物之心假以古

人公案誘進群迷故設筌
罝令速獲魚兔於覺海性
苑矣政如達磨西來不立
文字而不離文字者耶近
參隨衲子殃及林泉向空

谷中剛要傳聲於虛堂內
強來習聽以無說之說而
說其說便不聞之聞而聞
乎聞非敢與佛果萬松聯
轍並驚於世且傍隣舍試

效頤者欵至元乙酉中元
日林泉老衲為聰彥明泉
無竭說

古塘居士陸應陽書

空谷集卷上目錄

青原階級

非但曹溪

雲巖遊山

道吾深深

巖叢稟山

夾山船子

我國宴然

僧問石霜

洞山祖意

夾山答佛

萬戶俱開

九峰丹青

韶山是非

梁山祖意

卷之三十一

第廿四金

龍牙烏龜 灵雲桃花

國師塔樣 吸盡西江

趙州喫茶 雲巖南泉

南泉斬猫 大隨烏龜

丹霞燒佛 雲居居山

疎山谷佛 鷄棲鳳巢

問夾山境 歸根得百

曹山出世

無隐身霧 風穴古曲

投子刦火

三思鰐

林泉老人評唱投子青和尚頌古空谷集卷上

後學性一閱

生生道人梓

示衆云大忘人世何必三思擊碎疑團那消一句不滯玄閑縱橫得妙者是甚麼人

舉思和尚問六祖大師當何所務即得不落

增級但能行好事何必問前程祖云汝曾作甚麼來

劈腹別心還丹一粒祖云落何增級

點鐵成金

七十

與期良靈

鳳六吉西

雲居

鳥喜

爲垂一隻手思云聖諦尚不爲落何階級時
不惜兩莖眉三界有悟後十方空祖云如是如是
後十方空祖云如是如是怜兒不覺醜總在裏許汝善護持
吾當有偈願聞法要心地含諸種並生枝引蔓普兩悉皆
諸法從緣生頓悟花情已並不生菩提果自成
須知甜向苦中來

師云修行漸次今古皆然利鈍根機固難齊等
始自見修無學至暖頂忍世等妙二覺皆不出
建化玄門復應圓機盡情吐露道成就慧身不

由他悟初發心時即證菩提子細點檢將來也
只道得一半至若如來不出世亦無有涅槃始
是八成只如十成一句合作麼生道多口衲僧
難舉似無言童子善敷揚南嶽讓和尚嘗謂馬
大師曰汝學心地法門如下種子我說法要譬
彼天澤汝緣合故當見其道况此種子人人具
有箇箇不無慎勿辜負已靈埋沒家寶得坐披
衣向後自看雖是林泉口淺汝等諸人不得氣

高雄大或見不見更須審問投子始得頌曰

無見頂露雲攢急觀著劫外靈枝不帶春

三光

不照處別有好思量那邊不坐空王殿無漏園中留住不住爭肯

耘田向日輪

月華影裏見應難

師舉花嚴經云譬言如虛空遍至一切色非色處非至非不至何以故虛空無身故如來身亦復如是遍一切處遍一切衆生遍一切法遍一切國土何以故如來身無身故為衆生故示現其

身只如無見頂露雲攢急著眼處轉沒交涉況空劫前時不藉意根靈枝自秀那待陽和而品第者邪是他本來沒面目漢離得失情量出外沉窠臼聖凡莫測次序難拘不妨洒洒落落妥妥帖帖雖然如是未免南泉道威音王佛猶是王老師兒孫何也自古輪王全意氣不彰寶印自然尊示衆云別老少辨妍媸難謾藻鑑計輕重較低

昂無出星衡既知左眼半斤想見右眼八兩怕
伊不信試故詳看

舉石頭到思和尚處

不易跋涉思問從甚麼處來

從苗辨地

頭云曹溪來

多虛不實

思乃豎起拂子云

曹溪還有這箇麼

行說好語

頭云非但曹溪西天

亦無當面

請却思云子莫到西天來麼

趕賊

莫頭

云若到則有也

甜苦微

思云未在更道

抑逼發人

頭云莫全靠某甲和尚也須道一半

讓則有餘

思

云不辭向汝道恐後無人承當

暗裏抽橫骨明中坐舌頭

師云南巖石頭希遷禪師為沙彌時六祖將示
滅問曰和尚百年後希遷未審依附何人祖曰
尋思去及祖順世遷每於靜處端坐寂若忘生
第一座問云汝師已逝空坐奚為曰我稟遺誠
故尋思耳云汝有師兄思和尚今住吉州青原
汝因緣在彼師言甚直汝自迷耳遷聞語便禮
辭祖龕直詣思處參禮遂問汝從甚麼處來曰

曹溪來思堅起拂子云曹溪還有這箇麼雖是懸羊頭賣狗肉賴遇當行謾他不過被他只道箇非但曹溪西天亦無此所謂語忌十成機貴廻互向萬丈懸崖便與一推道子莫到西天來麼亦可賞他手親眼辨道若到則有也見事不解交又道未在更道所以石頭將計就計道莫全薰某甲和尚也湏道一半見不分勝敗故以甜言美語念合飢人嘵古人心如明鏡機似走

珠能於問答之際將世法佛法打成一片此豈非冥契佛理者歟師於唐天寶初荐之衡山南寺寺之東有石狀如臺乃結庵其上因是號石頭和尚焉有僧曾問如何是解脱曰誰縛汝問如何是淨土曰誰垢汝問如何是涅槃曰誰將生死與汝觀此開發後學直截根源言無枝葉為曹洞一宗之祖理當然也所著叅同契有云當明中有暗勿以暗相遇當暗中有明勿以明

相覩石頭老漢雖是半遮半露後代雲仍到此
看作麼生向當頌曰

白雲藏玉鳳不教人見
轉風流

紅日照無寥壺

別是一天

隱隱星攢處仰望不及

無私鎮九霄高高標

不出

師云若論此事如丹鳳冲霄不留其跡其由性
空寥廓慧日精明照五蘊之皆空使萬緣之俱
泯直得星攢碧落月浸丹墀翡翠簾垂燭香人
靜當此之際那容喘息寧許窺窬密室不通風

玄門難措足雖然如是一點靈明通宇宙那拘
西竺與曹溪

示衆云同行既無疎伴便宜豈出當家不消眼
見耳聞較得隨聲逐色且道為人手段在甚麼
處

舉葉山與雲巖遊山

行到水窮處

坐看雲起時

腰間刀響

袋箇是巖云甚麼物作聲

知音

口是禡門

山便抽刀

驀口作所勢為人不惜

兩盡肩

師云澧州藥山惟儼禪師嗣石頭上堂曰祖師
只教保護若貪嗔癡起來切須防禁莫教張觸
是你欲知枯木石頭却須檐荷實無枝葉可得
雖然如此更宜自看不得絕言語我今為你說
這箇語顯無語底他那箇本來無耳目等因與
雲巖遊山腰間刀響巖問師師抽刀罵口作研
勢後洞山舉來示衆道着他藥山橫身為這箇
事今時人欲明向上事湏體得此意始得林泉

子細看來要汝諸人二六時中念茲在茲不遺
時不失候見到說到用到妙叶兼帶非取口辨
若你不信試着投子獎孤邈樂來喝采聲頌曰
大鵬無伴過天池常獨行師子將兒絕後隨

百獸潛蹤實難比擬

方知思太白

曾不觀人情

師云北冥有魚其名為鯤鯤之大不知其幾千
里也化而為鳥其名為鵬鵬之背不知其幾千

里也怒而飛其翼若垂天之雲是鳥也海運將徙南冥南冥者天池也諸有智者以喻得解欲使脫白衲子性海汪洋飛鳴自在不被三界火宅之所拘縛不被六塵妄境之所繫絆故棄山老漢以養子之緣盡情為濟直得崑崙之丘亦尋歸計不見道青山常舉足白日不移輪正當此時合作麼生委悉咄雖是抽刀難入鞘莫教辜負老文殊

示衆云索隱鉤深以輕勞重覲面相呈不辭陪奉為復是妙用神通為復是神通妙用具眼者辨看

舉僧問道吾如何是和尚深深處非智可知
吾下禪床作女人拜云謝子遠來無可祇待

感承
厚意

師云初祖達磨大士曰吾本來茲土傳法救迷情一花開五葉結果自然成至曹溪六祖之下

分而為二一曰南嶽讓二曰青原思讓之已下復分為二曰鴻仰曰臨濟思之已下亦分為三曰曹洞曰雲門曰法眼曹溪一派今分為五此應一花五葉之懸識也大抵所傳之法本無有異為各立門庭施設不同此女人拜者乃鴻仰之機用也彼宗有九十七種圓相復以六門總攝一曰圓相二曰義海三曰暗機四曰多字學五曰意語六曰默論今道吾荅處暗機默論覲

面相呈深奧玄闇兩手分付休云宵漠闇爾難窺正眼觀來已成漏逗既被傍人覩破賞伊即是罰伊即是是他投子自知下落頌曰

驪龍海卧瑞雲高微底無依解轉身

潮盡從這裏流出木人來問西宮事不得妄傳消息

園一顆桃欵手贈時蒙厚意箇中滋味幾人知

師云雲從龍風從虎物理相須了無違阻直須向高高山頂立管要臯孔遼天深深海底行睛

取脚跟點地非止六戶不掩更能四衢無蹤若解恁麼何淺深之可計度者也既恁諸緣屏息何慮萬派不潮任四遠之遐瞻儘一宗之自附雖則重圍禁殿視聽應難木女石人頗傳音耗儻許絲綸稍降何妨曲為今時既蒙吐膽傾心休又迷頭認影還會麼望月佳人祝願時羅裙簌簌幾人知劉郎去後春無主菓熟香飄贈與誰

示衆云從苗辨地因語識人及盡今時始得成立自淺至深合作麼生探拔

舉雲巖初參藥山

師則一禮法則遍求

山問甚麼處來

不可不問云百丈來

多虛不如實如少實

曰百丈有何言句

深窮

妙理云有時道一句子百味具足

更索添白醋益看

即鹹味淡即淡味不鹹不淡是常味作麼生

是百味具足底句

請和尚試嘔啖看

曰爭柰目前生

死何

拍大姪子說小孩兒

云目前無生死

赤謫白誅

曰二十

年在百丈俗氣也不除生擒活捉又問海兄更說

甚麼法

細辨根源

云有時道三句外省去六句外

會取用許

多活

作麼

弓梢地

天問

更說甚麼法

水浸麻繩

一匝匝

繫

云有時上

堂了大衆下堂次復召大衆

披沙揀金

衆回首

滿堂

都是杜禪和

乃曰是甚麼

千聖不識

亦山曰何不早恁

麼道忙家不

會家不忙

嚴於言下有省

方信蒲團

不是天

師云潭州雲巖曇晟禪師依百丈海二十年因

緣不契後造藥山山如前問巖如前答至末後
是甚麼處山曰何不早恁麼道今日因子得見
海兄巖於言下頓省便禮拜方信道無多子省
力些兒便是據百味具足的句未免黏牙着齒
三句六句外語太懶廉纖所以藥山翻覆不許
此蓋投機不妙濁智流轉之過也三句者百丈
大智曰夫教語皆以三句相連初中後善初直
須教渠發善心中破善心後始明善心菩薩非

菩薩是名菩薩法非法非非法總與麼也若只說一句令人入地獄若三句一時說渠自入地獄不干教主事故古大宗師說法皆依佛祖法式不知者以為苟然語如無着所釋金剛般若是此意也六句者語底默底不語底不默底總是總不是勸君不用分門語語得分門出轉難本要河清海晏剛來簸土揚塵爭免點罰道二十年俗氣也不除及三千里外且喜沒交涉直

得辭窮理盡有口難言故以百丈不傳之妙末後通傳道是甚麼方悞他意可笑藥山解將別人拳頭與伊搥地雖嗔不早道其柰雲巖不負薦山點化於斯契悟還端的麼暗中樹影從君辨水底魚蹤任彼分若非投子不能見徹頌曰

行盡千山路轉高莫將有限
趣無窮肯歸方憶舊雲

房熟境難忘處
陽防落大功貪尋古調單于曲
若將耳聽終難會

暨蹉胡家一韻長眼裏聞聲
方得却

師云善財南詢遍參知識至德雲比丘處遍歷
嵩巒不能得面七日後向別峰相見獲大解脫
法門何況雲巖依棲百丈如許多年不蒙印證
故登山驀嶺不憚崎嶇旣入叢林投他保社再
四再三甘受曲折忽然一念迴光豁爾便同本
得只是舊時行底路逢人說着便誇訛單于者
虜語言廣大也虜人謂擣犁孤塗者單于也擣
犁此云天狐塗此云子謂天子廣大也擣_庚單

音胡家者當作胡笳笳笛之類也吹之為曲漢
李陵答蘓武書云胡笳互動牧馬悲鳴今借此
况吾道新豐云胡笳曲子不墮五音韻出青霄
任君吹唱是也惑者指世尊梵國為胡家豈不
大謬妄乎直須向是甚麼處休去歇去一念萬
年去免使妄情繫綴業識牽纏背親向疎外好
裏弱何也從今休被閑言語掉弄花唇取次謾
示衆云上無片瓦遮頭下無寸土足以月鉤

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

雲餌用釣清津假桂棹蘭篙追尋錦鯉只如搖頭擺尾來時合作麼生收攝

舉夾山參船子不是冤家船子問垂絲千尺

意在深潭離鉤三寸子何不道低聲師擬開

口鷓鴣過子便打師落水便下霽纔出又打云

道新羅老婆切道擬開口轉見不堪子又打

豁然大悟乃點頭三下捧頭出古今傳子云竿

頭絲線從君弄不犯清波意自殊電機掣山果能先打

山遂進問拋綸擲釣師意如何夜深不向蘆

道兩頭間與子云絲懸沫水浮定有無之意速道速

道再三撈撈不愴慈悲山云語帶玄而無路舌頭談而不

談終日口喃喃未嘗談一字子云釣盡江波金鱗始遇

不不忘今日志果有称心時山乃拚耳臨溪不必重來洗好惡爭如總不聞子

云如是如是真不掩偽曲不藏直師云秀州華亭船子德誠禪師節操高邈度量不群自印心於蘖山與道吾雲巖為同道交誼

靈利座主

和尚

古

離藥山乃謂二同志曰公等應各據一方建立
藥山宗旨予率性踈野唯好山水樂情自遣無
所能也他後知我所止之處若遇靈利座主指
一人來或堪彌琢將授生平所得以報先師之
恩遂分携至秀州華亭泛一小舟隨緣度日以
接四方往來之者時人莫知其高蹈因號船子
和尚一日泊船岸邊閑坐有官人問如何是和
尚日用事師堅起橈子曰會麼人云不會曰棹

撥清波金鱗罕遇道吾後到京口遇夾山上堂
僧問如何是法身曰法身無相云如何是法眼
曰法眼無瑕道吾不覺失笑山便下座請問道
吾某甲適來祇對這僧詰必有不是致令上座
失笑望上座不恠慈悲吾云和尚一等是出世
未有師在山曰某甲甚處不是望為說破吾云
某甲終不說請往華亭船子處去曰此人如何
云此人上無片瓦下無卓錐若去當易服而往

山乃散衆束裝直造華亭船子纔見便問大德住甚麼寺曰寺則不住住則不似云不似箇甚麼曰不是目前法云甚麼處學得來云非耳目之所到云一句合頭語萬劫繫驢橛覺範云今之師授弟子有則始終言有無則始終言無何止萬劫驢橛而已哉曹山曰末法時代人多乾慧若要辨驗真偽有三種滲漏一見滲漏機不離位墮在毒海二情滲漏情存向背見處偏

枯三語滲漏究竟失宗機昧終始濁智流轉立此滲漏未必不為中此疾者之所設也次以垂絲千尺意在深潭之間放沒面皮痛下毒手兩次被打方始警地既知痛痒展轉相酬俱無縫鑷故以金鱗始遇之語滿口許他遂囑曰汝向去直須藏身處沒蹤跡處莫藏身吾三十年在藥山只明斯事汝今既得他後莫住城隍聚落但向深山裏鑊頭邊覓取一箇半箇接

續無令斷絕山乃辭行頻頻回顧子遂喚閑黎
山乃回首子豎起柂子曰汝將謂別有乃覆舡
入水而逝浮定有無者通玄淨禪師劫外錄判
辨云浮定者釣魚之標準也用木為之浮于水
面下懸釣餌以浮沉而定魚之有無故以為名
焉捨鳥
敢嗚呼勝默祖翁嘗訓學徒曰傳法當如
舡子求法當如二祖今之師資苟或不爾焉能
以荷如來大法者歟若然則何慮祖道而不興

邪幸遇授子發揚先覺之志為世梯航頌曰

泛舟駕嶮三十春

不入驚人浪

難逢

稱意

魚擊

處竿頭活

死人

老作家手

段終別

夾嶺桂

分千古韻

遠近

聞

朗江

山翠萬重新

觀之不足

師云吾佛世尊於苦海波心無明浪裏駕般若
慈航總萬行而為六度令一切衆生離生死此
岸達涅槃彼岸又云汝等比丘知我說法如筏
喻者法尚應捨何況非法不意像季以來而有

船子剡木為舟隨流得妙切切孜孜學爺做處
 亦恐群靈漂沉生死直截根源替佛指示嘗有
 頌云三十年來坐釣臺釣頭往往得黃能金鱗
 不遇空勞力收取絲綸歸去來千尺緣綸直下
 垂一波纔動萬波隨夜靜水寒魚不食滿船空
 載月明歸三十年來海上游水清魚現不吞鉤
 鉤竿斫盡重裁竹不計功程得便休既遇夾山
 盡情分付直至而今聲光赫揚何止朗江山翠

萬重而已哉還知麼四海五湖分派處難將有
 限計無窮

示衆云四目不昧六賊歸降干戈叢裏曾見太
 平年糞埽堆頭得獲清淨土豈信從來本具耶
 知麌假他求忙裏偷閑若為話會

舉藥山問高沙彌云我聞長安甚鬧不可承
虛接譽

彌云我國晏然本自安寧山忻然曰子從看經得
 徒請益得漫天布網彌云不從看經得亦不從請

雲從集

卷一

七

益得脫塵山云大有人不看經不請益為甚

麼不得

但有纖毫

彌云不道不得自是他不

肯承當

一旦救得一半

澧州高沙彌初參藥山山問甚處來云南嶽來
曰何處去云江陵受戒去曰受戒圖甚麼云圖
免生死曰有一人不受戒亦無生死可免汝還
知否云恁麼則佛戒何用曰這沙彌猶挂唇齒
在彌禮拜而退道吾來侍立山曰適來有箇跛

脚沙彌却有些子氣息吾曰未可全信更須勘
過始得至晚山上堂召曰早來沙彌在甚麼處
彌出衆立山問我聞長安甚鬧你還知不彌云
我國晏然法眼別云見誰說藥山見彌祇對甚
有來由又問汝從看經得請益得彌總不落他
圈圓道不從看經得亦不從請益得山見牢籠
不住別用一條生機活路又羅織道大有人不
看經不請益為甚麼不得彌渾身手眼不許絳

翻道不道不得自是他不肯承當藥山於此車
不橫推理無曲斷回顧道吾雲巖曰不信道林
泉云可謂是出群須是英靈漢敵勝還他師子
兒若也於斯見徹方信道在欲而無欲居塵不
染塵百花叢裏過一葉不沾身儻能喧靜俱忘
必解正偏兼到正當時合作麼生裁斷頌曰

興亡雲去與雲來千自由自在
百自由自在渠無國土絕塵埃

已是撒土須彌頂上無根草不從栽不受春風

花自開

遍界發清音

師舉王黃華云世事雲千變浮生夢一場此雖
一時遺興述懷深有理焉果能言行相應心口
無二於斯覲透不被萬境所謾何得失是非榮
枯成敗而可桎梏者邪風穴垂語云若立一塵
家國興盛野老顰蹙不立一塵家國喪亡野老
安貼於立不立處一時坐斷何興亡而可存哉
此皆性空之剝物道眼之浮華雖來去無蹤奈

昏蒙成醫直得純清絕點蕩無纖毫向不響山
中合沒足石人於須彌頂上採無根瑞草想不
假春風馨香遍界請具眼禪和試來賞玩還見
磨靈苗生有地大悟不存師

示衆云萬丈海須見其底千尺井必達其源唯
斯一事妙密難明忽遇箇頂門具眼腦後見腮
的衲僧合作麼生指示

舉僧問石霜如何是和尚深深處

你有霜云

無鬚鎖子兩頭搖

徒勞摸索

師云潭州石霜慶諸禪師廬陵新淦陳氏子依
洪井西山紹鑾禪師落髮詣洛下學毗尼教雖
知聽制終為漸宗回抵鴻山因充米頭問答匪
意至晚上堂曰大衆米裏有虫諸人好看後參
道吾問如何是觸目菩提吾喚沙彌彌應喏吾
云添淨瓶水着良久却問師汝適來問甚麼師
揚舉吾便起去師於此有省吾將順世垂語曰

我心中有一物久而為患誰能為我除之師云
心物俱非除之益患吾曰賢哉賢哉後避世混
俗于瀏陽陶家坊朝遊夕處人莫能識後因答
洞山秋初夏末萬里無寸草處去云出門便是
草之語深蒙稱許享大因緣開法後僧問真身
還出世也無云不出世曰爭奈真身何云瑠璃
餅子口此恰與無鬚鑽子兩頭搖的眼腦龜生
來相似非唯難弟難兄況乃無彼無此瑠璃餅

口則且置只如此鎖將何料理是他投子自有同勘鑰匙領曰

三更月落兩山明
清光
何處無古道
程遙若滿生
碧波心月兔

常行莫亂

師舉洞山頌偏正五位首篇云正中偏三更初
夜月明前莫恠相逢不相識隱隱猶懷舊日嫌
且道舊日嫌甚今日嫌甚迷悟到頭俱莫戀眼

中金屑自難留唐耿偉詩云返照入閭巷愁來
與誰語古道無人行秋風動禾黍詩具六義曰
風賦比興雅頌用比興連類以喻至道嗟此塵
中無人綿歷唯餘禾黍而已故華嚴經云世法
即佛法佛法即世法休於世間法中分別佛法
莫於佛法中分別世間法方信道會得途中受
用不會則世諦流布其斯之謂歟况金鎖搖時
非智者難明徒勞識浪翻波漫漫蟾宮玉兔雖

能跨跳枉費精神何故須信轉身無異路沒蹤
跡處莫藏身

舉僧問洞山如何是祖師西來意。洞山曰：「祖意不西來，無此一關。」

菜達

師云筠州洞山悟本良价禪師幼歲從師念般
若心經至無眼耳鼻舌身意處忽以手摶面問
師曰某甲有眼耳鼻舌何故言無師駭然異之
云吾非汝師即指徃五洩山禮默禪師披剃年
二十一詣嵩山具戒遊方首謁南泉值馬祖諱
辰修齋泉問衆曰來日設齋未審馬祖還來不
衆皆無對師出對曰待有伴即來泉曰此子雖
後生甚堪彫琢云和尚莫罷良為賤次參漏山

屢蒙賞鑒次依雲巖受秘傳之道唐大中末於
新豐山接引學徒厥後盛化豫章高安之洞山
權開五位善接三根大闡一音廣弘萬品橫抽
寶劍剪諸見之稠林妙叶弘通截萬端之穿鑿
又得曹山深明的旨妙唱嘉猷道合君臣正偏
回互由是洞山玄風播于天下諸方宗匠咸推
尊之故名曹洞宗立此一宗自師而為始也這
僧既號通方衲子不免深窮兩祖不傳之妙故

來發問殊不知未開口時早蹉過了也只如洞
山恁麼答是與他道不與他道伶利漢舉著便
知下落何必分星孽兩只管忉忉龐居士謂靈
照曰明明白草頭明明祖師意照云老老大大
作這箇語話士曰汝又作麼生照云明明白草
頭明明祖師意士乃笑若也於斯薦得非唯有
逆水之波許汝有滔天之浪其或未然且向灘
下接取頌曰

古源無水月何生靈光向晚根塵耀滿岸西流一派
分盡從這裏流出葱蘋罷詢熊耳夢莫寐雪庭休詰

少林春誰敢多言恃語

師舉古本金光明經偈云佛真法身猶若虛空
應物現形如水中月雖則古源無水須知正派
潛流休云皓月何生那委清光普應既滿岸自
西而分必匝地從東而遍菩提達磨始傳法於
天竺後接物於支那梁大通元年九月二十一

日至廣州十月初一日至金陵見武帝不契十九日出金陵十一月二十三日至魏洛陽應識居少林面壁九年遇二祖求法立雪斷臂安心已竟併傳衣法徃禹門千聖寺化後般若多羅七十二年梁武帝作大師碑云以梁大同二年歲次丙辰十二月五日終於洛州禹門之側壽一百五十歲墓于熊耳山吳坂東魏天平三年也元象元年有使宋雲自西域回見達摩大師

于葱嶺隻履西還以聞帝令啟壙唯見空棺隻履存焉雖則生死涅槃猶如昨夢何妨立雪庭中重整嫩桂陽和而已哉嘵自從接活無根樹五葉聯芳直至今

示衆云色見聲求無非是妄忘情離念未足為真不須認影迷頭休更迷頭認影具眼禪和應合審細

舉僧問夾山如何是佛不禮拜更待何時山曰此問

無賓主休於言下覓莫向句中求僧云尋常與甚麼人對

談千山走衲僧山曰文殊與吾携水去普賢

猶未折花來

採汲不虛施
幾人竊得破

師云澧州夾山善會禪師自幼祝髮年滿受具
聽習經論該煉三學出住潤州鶴林因道吾勸
發往見瓶子由是師資道契微朕不留恭稟遺
命遁世忘機尋以學者交湊廬室星布晚夕參
依咸通庚寅海衆卜於夾山遂成蘭若自是聲

名燁赫道德光揚開發人天模鑄生佛不存意
路而大闡玄風這僧以覺自覺他覺行圓滿之
問故來探拔是他大方之家豈與汝干戈相待
款款地只道箇此問無賓主惹得教他意路上
追尋情閑內走作又問尋常與甚麼人對談不
識紅綿套索碧玉穿坑抵死謾生黏皮著骨不得
脫洒自由所以夾山奉箇文殊與吾携水去
普賢猶未折花來若據恁麼道是有賓主無賓

主咄曾遊花下路要見洞中天幸遇投子老師
一覲覲透頌曰

親言言處幾人知

徒勞屈指從頭數

今古無儔類莫

齊

世出世間尊從來難比亞

王馬雪行歸半夜

偏處不逢

羚羊

桂角月沉西

玄中不失

師云祇為分明極讏令所得遲將心用心轉見
病深本欲直截要會誰知顛倒迂迴非止此日

無有知者自古及今未逢一人一體同觀與佛

並化當此之際人多左科背聽逐句尋言僧問
趙州如何是玄中玄州曰汝玄來多少時邪云
玄之久矣州曰閻黎若不遇老僧幾被玄殺且
道這僧背聽趙州背聽林泉道會得則途中受
用不會則世誦流布汝等諸人聞林泉怎麽道
慎勿左科背聽更須子細參詳王馬雪行羚羊
桂角沒蹤跡斷消息夜半月沉時請來相見遂
以手摸面云猶

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

示衆云大音希聲大器晚成雖是停機佇思未
必不是作家若解剪惑裁疑到了須逢明鑒十
成一句試請舉看

舉雲蓋和尚問石霜萬戶俱閉即不問萬戶
俱開時如何將身直入霜云堂中事作麼生
裏頭看
外方誰蓋無對敢論量
恰如至嘴
云無人接得渠已犯功熟
螺經半年方道得語
得八成不肯半肯
蓋云和尚又如何
清知恁霜

云無人識得渠

詩爭二
字新

師云潭州雲蓋山志元禪師遊方時問雲居曰
志元不奈何時如何居曰祇為闍黎功業不到
師不禮拜直造石霜亦如前問霜曰但非闍黎
老僧亦不奈何師云和尚為甚不奈何曰老僧
若奈何拈過汝不奈何師便禮拜請入室後石
霜上堂僧問萬戶俱閉則不問萬戶俱開時如
何曰堂中事作麼生僧半年方道得云無人接

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

得渠曰道則太煦道只道得八成云和尚又如
何曰無人識得渠師知乃禮拜請石霜道霜不
與道師云若不道打和尚去也霜曰無人識得
渠師於言下有省翠巖芝云先行不到末後太
過林泉道走的走殺坐的坐殺祖燈錄中本僧
問石霜非雲蓋問也此頌古中作雲蓋問想當
時一期編錄之不審也因辨於斯學者可委蓋
因聞石霜赤心片片招撥這僧故放鵠把焰赫

傍石霜要與他說若不言下有省險做冤徒惡
黨還會麼雖是恶心招善報更看投子與宣揚
頌曰

古殿巖開月鎖松半遮半掩霜凝雪露韻無
窮遠觀有色星前人卧千峰室農夫何事佛
祖無因識得渠貴人難見面何必謾咨嗟

師云空劫威音外壺天不夜時巖花開步帳松
月騁芳姿馥郁通三界婵娟映四維遊人雖帳

望那許暫時窺雖是霜凝雪露須忘一色之功
 直教霧欽風停妙叶三玄之旨七星光彩莫可
 窺窬了無前後差殊不有古今間斷於千峰影
 裏萬壑聲中就籌室枕石眠雲任昨夢吟風囀
 月本来自面目瞻仰無由未質形名豈容知識便
 怎麼會時如何休百尺竿頭須進步十方世界
 露全身

示衆云日出連山盡力只畫得一半月圓當戶

爭教汝寫到十分未下筆時却較些子還有打
 得此草者麼試拈出看

舉僧問九峰一筆丹青為甚麼邈志公真不
 得手

無你下

峰云

僧繇却許志公

無用處成

僧

云未審僧繇甚麼人證據

明月清

峯云烏龜

稽首須彌柱

不是同風

師云筠州九峰道虔禪師雖徧經法席而受印
 於石霜開化九峰玄徒尤盛僧問教中有言三

光緣就始成其見三光未就還成見否曰緣有
差殊見無虧損云既無虧損暗中為甚麼不見
物曰雖不見物寧魚見暗云離却三緣如何是
真見曰匝地日頭黑似漆僧問一筆丹青為甚
麼邈志公真不得金陵寶誌禪師姓朱氏金城
人晉末真興元年己未歲生幼出家止京道林
寺禮僧儉為師修習禪業出處無常飲啖不節
髮長數寸常跣足行執一錫杖頭掛剪刀及尺

鏡懸一二尺帛子齊祖建元中稍露神迹或數
日不食無飢容與人言始若難曉及應甚明多
為識記京都士庶咸供事之後至梁天監年中
深蒙帝重乃應化賢聖之一也為多神異聖凡
不測故設此問僧繇却許誌公者張僧繇吳人
也天監中官歷右將軍吳興太守以丹青馳譽
于時方梁武帝以諸王居外每想見其面目即
遣僧繇乘傳寫之持歸對之如見其人此蓋常

卷之三

卷之三

三

情可測可知非類誌公本來面目無下手處焉

矢未舉筆前脫體奪真只是罕逢明鑒要識誌
公麼烏龜稽首須彌柱投子分明頌與伊頌曰

荆山羨玉卞人尋

還具眼處

至寶無瑕絕見因

誰致

觀識錢牛帶子踏滄海

非思量處

撞月石龜長羽鱗

難測

五

七

九

十一

十三

十五

十七

十九

廿一

廿三

廿五

廿七

廿九

卅一

卅三

卅五

卅七

卅九

四十

四二

四四

四六

四八

五十

五二

五四

五六

而舉寶藏論云天地之內宇宙之間中有一寶
秘在形山林泉道視之莫見取之莫得璨璨平

哉溫溫如也極小同大忘絕境界極大同小不
見邊表明之者亘古今而受用不盡昧之者守
朝暮而窮困難甘非止荆山卞人尋覓楚人卞
和獻玉於楚厲王王曰石也遣使刖一足及武
王即位和又獻之武王復怒又刖一足至楚文
王立和抱璞哭於荆山之下文王召而謂曰刖
足者何怨乎曰不怨刖足而怨真玉以為凡石
忠事以為慢事是以哭之文王乃使工剖石乃

真玉也文王歎曰哀哉二先君易刖其足難剖
於石今果是舜乃國寶也見韓子以喻至道人
莫能窺非言說可及非情量可酌故使鐵牛帶
子跨跳滄溟撞月石龜任生毛羽還達此理麼
無說說中無說說都教收攝付全提
示衆云許由洗耳巢父牽牛拂迹成痕欲隱彌
露只此現成公案不消勘辨緣由不涉思惟試
看決斷

舉僧問韶山是非不到處還有句也無

低聲

山云有

放伊一線許商量

僧云是甚麼句

關繫不是

不將來

山云一片白雲不露醜

老僧不是

不拈出

師云洛京韶山寰普禪師嗣夾山僧問如何是

韶山境曰古今猿鳥叫翠色薄烟籠云如何是

境中人曰退後看遵布衲訪師在山下相見邊

問韶山路向甚麼處去師以指曰嗚那青青黯
黯處去遵近前把住云久響韶山莫便是否

是即是閻黎有甚事云擬伸一問師還答否曰
看君不是金牙作爭解彎弓射尉遲云鳳凰直
入煙霄去誰怕林間野雀兒曰當軒畫鼓從君
擊試展家風似老僧云一句迥超千聖外松蘿
不與月輪齊曰饒君直出威音外猶較韶山半
月程云過在甚麼處曰倜儻之詞人皆知有曰
恁麼則真王泥中異不撥萬機塵曰魯般門下
徒施巧妙云學人耶恁麼未審師意如何曰王

女夜拋梭織錦於西舍云莫便是和尚家風也
無曰耕天製玉漏不是行家作云此猶是文言
如何是和尚家風曰橫身當宇宙誰是出頭人
遵無語師遂同歸山纔人事了師召近前曰閻
黎有衝天之氣老僧有入地之謀閻黎橫吞大
海老僧背負須彌閣黎按劖上來老僧亞鎗相
待向上一路速道速道云明鏡當臺請師一鑑
曰不鑑云為甚麼不鑑曰水淺無魚徒勞下釣

遵無對師便打林泉道此上神通非同小小詔
山老漢慣臨大敵那怯殘兵而况這僧將閑是
閑非有句無句枉來印拍被他着一片白雲款
款擗住何也莫把是非來辨我浮生穿鑿不相
閑其餘意味分付投子頌曰

白雲不到中峰頂無心曾出岫
舒卷任隨風滿目煙蘿景
象殊高低休便
兩般看一句曲寒千古調韻出青霄
任君吹唱

萬重青碧月來初

松嵒排突屼

桂魄任嬪娟

師云青山白雲父白雲青山兒白雲終日倚青
山總不知不知的事汝還知否地藏當年曾漏
泄不須迤邐走天涯煙蘿滿目景象雖殊心月
孤圓性空寥廓縱有萬別千差其奈一了百當
雪竇云三界無法何處求心白雲為蓋流泉作
琴一曲兩曲無人會兩過夜塘秋水深若向這
裏領略得下伯牙與子期不是閑相識如或不
然高山流水知音少枉奏瑤琴微外聲只如萬

1 2 3 4 5 6 7 8 9 10 1 2 3 4 5 6 7 8 9 80 1 2 3 4 5 6 7 8 9

罄千山盤青疊翠緊繫芒鞋如何履踐待月來
時與汝相見

示衆云開口道着舉步踏著拈在面前無人能
識搜遠不搜近宜假不宜真擔千負計處還敢

商量麼

舉僧問梁山如何是祖師西來意

頭不昧物物全彰

山云莫亂道

閉口牢藏舌安身第一方

師云祖意教意本自無殊真心妄心亦不有異

為根機不等優劣強分既說淺深當言頓漸列
門庭開戶牖說在駿馬之前建法幢立宗旨獨
步劫空之後曹山曰洞上宗假五位君臣偏正
言者不欲犯中故臣稱君不敢指斥言是也欲
明宗要為作偈曰學者先須識自宗莫將真際
雜頑空妙明體淨如傷觸力在逢緣不借中出
語直教燒不著潛行須與古人同無身有事超
岐路無事無身落始終復作五相○偈曰白衣

須拜相此事未為奇積代簪纓者休言落魄時
○偈曰子時當正位明暗在君臣未離兜率界
烏雞雪上行○偈曰焰裏寒冰結楊花九月飛
泥牛吼水面木馬逐風嘶○偈曰王宮初降日
王兔不能離未得無功旨人天何太遲○偈曰
混然藏理事昧卒難明威音王未曉彌勒豈
惺惺此頌略分宗趣西來祖意豈止一途派列
岐分應機施設非刻舟記劍膠柱調絃而已哉

梁山荅處直截指示欲使言前薦得句外知歸
開口動舌堪作甚麼未審如何即是不如緘口
退却與道相應雖然如是更須問過監察始得
頌曰

國令嚴嚴擬者危禍不入慎家之門毫釐纔動鐵輪
隨言出心萌口應三千里科掉沒交涉齒露言來

苦怨誰應須克已

師云當頭諱字寰中禁誰敢依稀犯聖顏把斷

要津那許汝嘲三羅四全提正令豈容伊撥萬
 輸千直得慘悚戢翼內秘外嚴不見僧間臨濟
 如何是吹毛効濟云禍事禍事僧禮拜濟便打
 林泉道賞罰甚分明若是當時毫釐有差便見
 天地懸隔寧免鐵輪隨來抑逼金輪王王四天
 下銀輪三銅輪二鐵輪一林泉道若能了一萬
 事決畢四種輪王隨業受報各具輪寶摧伏怨
 敵雖心萌口應其奈參差齒露言時固多利害

何也但能不觸當今諱也勝前朝斷舌才

示衆云把住時放行維摩一默語如雷放行時
 把住言滿天下無口過不動唇皮要通意路合
 作麼生舉還有道得者麼

舉僧問龍牙如何是祖師西來意

朝者雲片暮聽水

涙

牙云待石烏龜解語即向汝道

謝師話

師云潭州龍牙山居遁禪師因參翠微乃問學
 人自到和尚法席一箇餘月不蒙一法示誨意

在於何微曰嫌甚麼師又問洞山山曰爭恠得老僧法眼別云祖師來也林泉道和尚莫眼花雲峰齊云此三尊宿還有親疎也無若有那箇親若無親疎眼在甚麼處林泉道依舊眉毛下又僧問十二時中如何著力師曰如無手人行拳始得林泉道照顧臯凹又問終日區區如何頓息師曰如孝子喪却父母始得東禪齊云衆中道如喪父母有何閑暇恁麼會還息得人疑

情麼除此外且作麼生會龍牙意林泉道慣曾為旅偏憐客自己貪杯惜醉人若知醉裏醒醒除問投子和尚頌曰

石龜語話是誰聞徒勞無耳
側耳聽深不得
妾傳天曉便藏無影樹根非生
消息葉不墜下土
秋風太陽雖照不能尋

師云知音不在頻頻舉達者須知暗裏驚玄中
 銘云龍吟枯木異響難聞木馬嘶時何人道聽

洞山問雲巖無情說法甚麼人得聞巖曰無情得聞云和尚聞否曰我若聞汝即不聞吾說法也云某甲為甚麼不聞巖遂堅起拂子曰還聞麼云不聞曰我說法汝尚不聞彌陀經云水鳥樹林悉皆念佛念法山於此有省乃述偈曰也大奇也大奇無情說法不思議若將耳聰終難會眼裏聞聲方得知僧問香巖如何是道曰枯木裏龍吟云如何是道中人曰髑髏裏眼睛僧

不領乃問石霜如何是枯木裏龍吟曰猶帶喜在云如何是髑髏裏眼睛曰猶帶識在又不領乃問曹山如何是枯木裏龍吟曰血脉不斷云如何是髑髏裏眼睛曰乾不盡云未審還有得聞者麼曰盡天地未有一人不聞云未審枯木龍吟是何章句曰不知是何章句聞者皆喪遂示偈云枯木龍吟真見道髑髏無識眼初明喜識盡時消息盡當人那辨濁中清曹洞父子節

拍相隨白雪陽春幾人能和胡笳不犯宮商曲
玉笛同將劫外吹無影樹頭花笑日半明半暗
幾人知具眼禪人固宜子細

示衆云劉郎栽後綴葉聯芳王母摘時收因結
果莫有閑來賞玩就路還家者麼

舉靈雲見桃花悟道

眼中撥却黃金屑
觀透底音未兆時

師云福州靈雲志勤禪師依大鴻因見桃花忽然大悟以偈呈曰三十年來尋釣客幾回葉落

又抽枝自從一見桃花後直至而今更不疑鴻
曰從緣入者永無退失汝善護持玄沙云諦當
甚諦當敢保老兄未徹在雲曰師兄還徹也未
林泉道將為狐鬚赤更有赤鬚狐且道靈雲見
桃花端的悟箇甚麼有底道因逢桃李樹憶得
故園春有底道色即是空空即是色三千里外
且喜沒交涉雪賣云本無迷悟數如麻獨許靈
雲是作家林泉至此稱賞不已非唯見諦明白

堪與後人為龜為鑑覺範頌云靈雲一見不再見紅白枝枝不着花回耐釣魚船上客却來平地攏魚蝦可謂路見不平拔劍相助更有為渠雪屈的麼試看投子如何評論頌曰

山前桃發故園春
歲歲年年相似
花綻紅枝省此身
不因不由
家有來由
證據謝君傍着力
面上夾
天荊棘裏侵煙鎖
竹桃花笑顏
綠楊營轉緩
春三月
無閑口說盡雨侵石
東君造化心
笋倚空鄰
掃月吟風
君怎生金

鳥放去無消息
線斷風穿
木馬嘶聲過漢秦

不勞乘八駿
捕影與追風

師云陰陽無曲徇節令不相饒春分之後萬木皆萌匝地普天無非春色何止山前而已哉不見道密移一步六門曉無限風光大地春正如心地蘊養包含善惡種子一日善惡業熟發起現行若於因花空實可辨見忘執謝頓悟真常何佛果而不趣菩提者邪當此之際方知此身

而不虛設不意玄沙一手檻一手搦暗度神鋒
 回戈倒刺誰想靈雲憒臨大敵訴敗佯輸惡來
 善應道師凡還徹也麼恰似梵志翻着鞍人皆
 謂是錯寧可刺你眼不可隱我脚僧問洛浦衆
 手淘金誰是得者曰拳中舊寶豈假披沙云恁
 麽則展手不逢也曰莫將鶴唳擬當鶯啼又僧
 問如何是佛法大意曰雪覆孤峰峰不白雨滴
 石筍筆須生林泉恁麼舉來雖是向臯孔裏點

眼胞脣上畫眉且要諸人稍知下落休待金烏
 西墜木馬跑嗟聲逾漢秦徒勞采聽何也不解
 無中能唱出枉教清韻出青雲
 示衆云預備不虞待覓箇信心檀越隨緣赴感
 令修座出格浮圖見義勇為當仁不讓者知是
 何人還理會得麼

舉肅宗帝問忠國師百年後所須何物

聖鑑不錯

云與老僧作箇無縫塔揀難的道曰請師塔様家作

空谷集

卷一

君王天師良久云陛下還會麼覩面相呈曰
然有在兩手分付曰
不會因邪打正云吾有付法耽源却諳此事請召

問之祖祢不了及兒孫

師云南陽慧忠國師者越州諸暨人自受曹溪
六祖心印之後居南陽白崖山黨子谷四十餘
祀不下山道行聞于帝里肅宗上元二年勅中
使孫朝進賚詔徵赴京待以師禮初居千福寺
西禪院及代帝臨御復迎止光宅精藍十有六

載隨機說法時有西天大耳三藏到京云得他
心通肅宗命師驗之三藏纔見師便禮拜立于
右邊師問曰汝得他心通那云不敢曰汝道老
僧即今在甚麼處云和尚是一國之師何得向
西川看競渡舡良久再問老僧即今在甚麼處
云和尚是一國之師何得在天津橋上看弄猢
猻師復問汝道老僧在甚麼處藏罔測師叱曰
這野狐精他心通在甚麼處也藏無對可惜明

眼人前一場漏逗師化緣將畢乃辭帝帝曰師滅度後所須何物若非聖慈寬厚爭肯如此相待師亦不負天恩向臨行之際盡力提撕道與老僧作箇無縫塔殊不知未開口時已早七花八裂了也帝雖道不會就中却寂親切不見石頭和尚道衲被蒙頭萬事休此時山僧都不會師既付囑令問耽源後果詔問源良久曰聖上會麼帝曰不會源述偈曰湘之南潭之北中有

黃金充一國無影樹下合同船琉璃殿上無知識林泉道拱密威嚴決難正視雖是官不容針何礙私通車馬放伊一線試請商量頌曰

古塔涌聖迷天眼龍睛不可窺雲籠龍鳳失處處人非思量知香風半夜沉沒踪跡寶殿無知識誰敢依稀犯聖顛

師云第二十二祖摩拏羅尊者年三十遇婆修祖師出家傳法至中印土彼國王名得度即瞿

曇種族歸依佛乘勤行修進一日於行道處現
 一小塔欲取供養衆莫能舉即大會梵行禪觀
 呪術等三衆欲問所疑時尊者亦赴此會是三
 衆皆莫能辨時尊者即為王廣說塔因此之出
 現乃王福力之所致也王聞是說乃曰至聖難
 逢世樂非久付位於太子投祖出家七日證果
 尊者深加慰誨國師塔樣非作者之不知堅窮
 三際橫遍十方亘古亘今無成無壞非止勢磨

星斗其由威聳雲煙丹鳳金龍莫能依附旣德
 風之偃草何香譽之不傳任晚夜之升沉儘春
 秋之改變四臣不昧一性圓明於寶殿欲現心
 王令玉燭永調戒國恁麼觀來有知識那無知
 識噓相識滿天下知心有幾人從頭曾遍數無
 箇似雙親

示衆云指空畫空敢道卒難對副依實具實且
 慈胡亂安排本非覲面相謾就裏慈悲太甚還

有冷眼傍觀窺破者麼。

舉龐居士問馬大師不與萬法為侶者是甚
麼人千聖亦不識師云待汝一口吸盡西江水即
向汝道

口雖硬似鐵心更軟如綿

師云襄州居士龐蘊者衡州衡陽縣人也字道
玄世本儒業少悟塵勞志求真諦唐貞元初謁
石頭乃問不與萬法為侶者是甚麼人頭以手
掩其口豁然有省後與丹霞為友一曰石頭問

曰子見老僧以來日用事作麼生士曰若問日
用事即無開口處乃呈偈曰日用事無別唯吾
自偶詣頭頭非取捨處處沒張垂朱紫誰為號
丘山絕點埃神通并妙用運水及搬柴頭然之
曰子以繙邪素邪云願從所慕遂不剃染後參
馬祖問曰不與萬法為侶者是甚麼人祖曰待
汝一口吸盡西江水即向汝道士於言下頓領
玄旨乃留駐參承二載有偈曰有男不婚有女

卷之三

三

不嫁大家團圓頭共說無生話自爾機辯迅捷
諸方嚮之居士問處將無做有要辨形容大師
答處雖塞辭源潛通意脉方信道明中雖不遺
消息暗裏洪波浪接天男婚女嫁則且置只如
堂中二親還曾奉重也無頌曰

父母曠來別

一日思憶得奉當竭力

理合木

人半夜言

低聲

莫使外人識

若教容易見便作等閑看

師云僧問藥山學人擬歸鄉時如何師曰汝父

母徧身紅爛卧在荆棘林中汝歸何所云恁麼
則不歸去也曰汝却須歸去汝若歸鄉我示汝
箇休糧方子云便請曰二時上堂不得咬破一
粒米此不遺時失候奉重竭力之式也雖知親
親之親而豈知非親之至親者歟第八祖佛佗
難提尊者行化至提伽國毗舍羅家見舍上有
白光謂其徒曰此家有聖人口無言說真大乘
器不行四衢知觸穢耳言訖長者出禮問何所

須祖曰我求侍者長者曰我有一子名伏馱密
多年已五十口未嘗言足未曾履祖曰如汝所
說真吾弟子伏馴聞之遽起禮拜而說偈曰父
母非我親誰是最親者諸佛非我道誰是最道
者祖以偈答曰汝言與心親父母非可比汝行
與道合諸佛心即是外求有相佛與汝不相似
欲識汝本心非合亦非離馴聞偈已便行七步
祖曰此子昔曾值佛悲願廣大愛情難捨故不

言不履耳遂令出家復繼祖位若也於斯薦得
父母不離方寸何勞曠劫相尋木人既解傳言
寧免外人知識還具這般眼麼擬心若蹉一絲
頭對面忽成千萬里

示衆云有進有趣橫身建化門中無證無修著
腳威音那畔幸勿喊他聲價不須粧貼門風比
喻將來汝還知否

舉僧問長沙本來人還成佛否虛空無面目

何用巧粧眉

沙云你道大唐天子還割茆刈草否眼巧木如樣子

比

師云湖南長沙招賢景岑禪師初住鹿苑為第一世其後居無定所但徇緣接物隨宜說法時謂之長沙和尚僧問教中說幻意是有邪師曰大德是何言歟云恁麼則幻意是無邪曰是何言歎云恁麼則幻意是不有不無邪曰是何言歎云某三明盡不契於幻意未審和尚如何明

教中幻意曰大德信一切法不思議否云佛之誠言安敢不信曰大德言信二信之中是何信云如某所明是名緣信曰依何教文得生緣信云花嚴經云菩薩摩訶薩以無障無礙智慧信一切世間境界是如來境界又花嚴云諸佛世尊悉知世法及諸佛法性無差別決定無二又云佛法世間法若見其真實一切無差別曰大德所舉緣信教文甚有來由聽老僧與大德明

教中幻意若人見幻本來真是則名為見佛人
 圓通法法無生滅無滅無生是佛身林泉恁麼
 舉來且道本來人有成佛分無成佛分水月空
 花元不有電光石火薦還遲割茅刈草曾為喻
 智者休言道不知師與仰山龍月次山云人人
 盡有這箇只是用不得曰恰是倩汝用云你作
 麼生用師劈脣與一踏云因直下似箇大虫林
 泉道仰山今日親遭毒手長慶云前彼此作家

後彼此不作家林泉道放汝一踏長慶別云邪
 法難扶林泉道雪後始知松柄操事難方表丈
 夫心更看投子不犯尊顏別通消息頌曰

苔殿重重紫氣深寶香鳳燭煙雲合
宋麻簾垂不露顏
 位正乾坤秋清月轉霸輪
河漢斗垂夜柄金輪不御闊浮境
勑遍天下豈並諸侯寶印尊
王不流行豈并諸侯寶印尊
璽非同封贈假

王齊

師云至理幽微豈容擬議非識智之可追求非

妾情之可奔湊陸巨大夫問南泉姓甚麼泉曰姓王云王還有眷屬也無曰四臣不昧云王居何位曰玉殿苔生後僧舉問曹山玉殿苔生意旨如何曰不居正位云八方來朝時如何曰他不受禮云何用來朝曰有違則斬云違是臣分上未審君意如何曰樞密不得旨云恁麼則變理之功全歸臣相也曰你還知君意麼云外方誰敢論量曰如是如是林泉道君聖臣賢即且

置父慈子孝又如何非止色難成感慨無違的意少知音既爾重重紫氣籠罩深宮燦爛璇璣定分辰位王四天下則必御金輪總三千界則當提寶印不須附耳而言躡足以封韓信還曉此意麼太平只許將軍建不許將軍見太平示衆云斜街暗巷生客頭迷金鎖玄闕衲僧眼睂莫有腦後著楔知痛痒者麼

舉道吾與雲巖到南泉處道曠無涯
逢人不墨泉問閣

卷之三

卷之三

三

黎名甚麼

適來記得

吾云宗智

多虛不

泉云

智不到處作

作麼生宗

尊鑑吾云

切忌道着佯

大膽故
心泉云歎

酌然道著

則頭角生

明眼人前異
一場漏逗異

日師與雲峯

嚴後架把

金勞神作^三祐南

泉過見再問

智頭陥前

不智道日

到處切忌

道著道著則

頭角生合

竹磨生行

履暮天何

用牧歌催師

卷之三

儒學一揆

便轉

卷之二

問云汝州這事皆知否臣預章海歸弘曰二

處欸欸地道切忌道著此之所謂十言九中不如一默故南泉印證道灼然道著即頭角生三日後吾與雲巖在後架把針泉見乃問智頭陁前日道智不到處切忌道著道著即頭角生合作麼生行履若向這裏暫時不在擦手蹉脚便見墮坑落塗是他覺不似相便抽身入僧堂林泉道退步就已萬中無一南泉亦歸方丈林泉道伯牙與子期不是閑相識林泉雖恁持蠶酌

海折草量天且圖諸人略知分劑欲要明白子細言深淺說高低請問投子和尚決然便知下落頌曰

金剛際下古髑髏多年窮鬼子

切忌弄精覓

幾被人踏血

濺空體究即不無

染污則不可

明月任從君自掬

光影門徒勞

手寒松那棄白雲封

好客無

疎伴

師舉花嚴經云其最下方名世界光遍照一切金剛莊嚴光耀輪為際依衆寶摩尼花而住今

為金剛隊下者悞矣况此本分一事若古聖之觸體諸佛之頂顱擬之則觸破面門窺之則瞎却眼睛有不顧危亡者踉蹌顛蹶蹴跳踐踏生擣活擺向枯骨上咬嚼沒巴鼻處近傍何止血濺長空而已哉其奈掬水月在手弄花香滿衣無始劫來妄想熏習卒難改革一旦迴光返照了達真常於切忌道著處觀透頭角未生時知歸萬本寒松清陰鬱密一片白雲幸無棄捨還

知同聲相應同氣相求處麼有緣不是余朋友無用雙眉却弟兄

示衆云雀舌初調玉盞分時禪思健龍團祖碎金渠碾處睡魔降雖然兩段不同且喜一家無

二莫有不涉唇吻知味者麼

舉趙州緣見僧來便問曾到此間麼

旗僧云不曾到科掉沒交涉州云喫茶去承言裏布捨

問僧曾到此間麼慣得便僧云曾到惜取草州好

云喫茶去

帶句
者迷

師云趙州觀音院從諗禪師未受具時便抵池陽參南泉值泉偃息而問曰近離甚處云瑞像曰還見瑞像麼云不見瑞像只見卧如來泉便起坐問汝是有主沙彌無主沙彌云有主沙彌曰那箇是汝主師遂近前躬身曰仲冬嚴寒伏惟和尚尊候萬福泉器之許入其室他日問泉曰如何是道泉曰平常心是道云還可趣向也

無曰擬向即乖云不擬爭知是道曰道不屬知不屬不知知是妄覺不知是無記若真達不疑之道猶如太虛廓然蕩豁豈可強是非邪師於言下悟理僧問雲居膺禪師羚羊挂角時如何曰六六三十六云挂角後如何曰六六三十六僧禮拜曰會麼云不會曰不見道無蹤跡其僧舉似趙州州曰雲居師兄猶在僧便問羚羊挂角時如何州曰九九八十一云挂角後如何曰

九九八十一云得恁麼難會曰有甚麼難會云
請和尚指示曰新羅新羅林泉道未眨眼時遭
八百擬開口處隔三千趙州指示分明處方信
雲居有妙傳更看投子將何特為用甚煎點頌
曰

見僧便問曾到否

仁義道中當合如是

有言曾到不曾

來

執結是實

留坐喫茶珍重去

好看千里客

萬里要傳名青烟

暗換緋紋苔

惜得自己眉毛穿過那僧臘孔

師云趙州古佛於人我山前凡夫地上平田淺
草內指條活路徑直截要似更強如長安大道
若言曾到三千里外且喜沒交涉更買草鞋行
腳始得若言不曾到願預佛性儼侗真如兀兀
騰騰虛淹歲月折莫你左趨右閃側觀傍觀終
是出他圈圓不得謝他看客兩停不論親疎一
般管待雖破龍團鳳餅忍逢跛鼈盲龜他既口
苦心甜你莫外好裏弱本無委曲若疊嶂之青

煙不有蒙茸似幽庭之繡鮮只如暗彰文彩互換偏圓一句又作麼生待喫茶了即爾汝道示衆云雖則當面熟謾擬備傍人塗笑休賣弄知心可腹終只是見境生情還與破除得麼舉大隨和尚與僧行次見一烏龜是凶僧便問一切衆生皮裏骨為甚麼此箇衆生骨裏皮果然隨以草鞋安龜背上信手拈來其僧疑著塞断無語咽喉

峰巒秀澗水清冷中有一樹圍四丈餘南開一
門中空無礙不假斤斧自然一庵時日為木禪
庵師乃居之十餘載影不出山聲聞于外四方
玄學千里趨風蜀主欽尚遣使屢徵師皆辭老
病署神照大師因庵側見此一龜僧發此問師
遂拈草鞋安龜背上是知宗師一期應對破妄
祛惑明心見性終不以言句繫綴於人未委投
子若為話會頌曰

一家有事百家忙

堪嘆

春暖纔迴草自長

節氣

不相饑東嶺月分西澗水

清光何處無

菊殘猶自候

重陽

淵明歸去後千古漫傷情

師云若也依因判果隨業受生鱗羽皮毛胎卵
濕化各安其分那有差殊此皆迷真執妄顛倒
想生不悟本空苦受輪轉普觀一切衆生漂沉
生死何啻百家而已哉故世尊以無緣慈興大
悲心布春風和氣滋孕群萌令心花發現使智

果圓成放愛月光輝天鑑地耀古騰今始自劫
壺空處佛未興時性海澄渟無幽不燭有等焦
芽敗種孤陋寡聞墮根禪客向東籬側畔十月
初頭指望白衣特來送酒呆漢非止此時遭蹉
過須知他後卒難逢

示衆云衲僧巴顛勦絕凡情佛祖權衡屏除聖
解莫有具此作略者麼

舉南泉有兩堂上座爭猫不止家逐泉陞座

宅亂泉陞座

提起猫兒云道得即不斬

和尚幸是大眾無人且莫造次

對能做不泉乃揮猫兒

大用現前趙州至晚能當佛魔屏氣

方到甚處泉乃舉前話將謂州脫忘却

一隻草鞋

戴頭上出去老大作這箇去就

泉云子若早來却

救得猫兒若不得此語前話也難圓

師云南泉普願禪師鄭州新鄭人姓王氏幼慕
空宗唐至德二年依大隗山大慧禪師受業詣
嵩嶽受具足戒初習相部舊章究毗尼篇聚次

空谷集

卷五

五

遊諸講肆歷聽楞伽花嚴入中百門觀精鍊玄
 義後扣大寂之室頓然忘筌得遊戲三昧一日
 為衆僧行粥次馬祖問桶裏是甚麼師曰這老
 漢合取口作恁麼語話祖便休自餘同參之流
 無敢詰問貞元十一年憇錫于池陽自建禪齋
 不下南泉三十餘載道風遐布大振玄綱因是
 諸方目為郢匠一日因東西兩堂爭猶是非只
 為多開口煩惱皆因強出頭果遇師白衆曰道

得即救取猫兒道不得即斬却也此乃路見不
 平當機不讓便以本分事相為剗除妄想屏當
 狂情要教於空劫已前威音之始頓除人我等
 執空一切法頃絕諸緣衆既無對師遂斬之此
 岂非見到用到心口相應人多以斬猫蔓蛇為
 雲門正令麤行作弊謗之是不達文殊伏劔之
 微旨也世尊於靈山會上五百比丘得四禪定
 其五神通未得法忍以宿命智通各各自見過

去殺父害母及諸重罪於自心內各各懷疑於甚深法不能證入於是文殊承佛神力遂手握利劍馳逼如來世尊乃謂文殊曰住住不應作速勿得害吾吾必被害為彼害文殊師利爾從本已來無有我人但以內心見有我人內心起時我被害即名為害於是五百比丘自悟本心如夢如幻於夢幻中無有我人乃至能生所生父母皆如夢幻於是五百比丘既得無生法忍

同讚嘆曰文殊大智士深達法源底自手握利劍馳逼如來身如劍佛亦尔一相無有二無相無所生是中云何殺出寶積經是知南泉大用不減文殊不可以狹劣之見僻執之心誣謗古人更看投子別是非明得喪分明指出頌曰

臨險推人事要知用知求財先自露針錐照
刺破釣魚盡說諳風易開終始口及至風來波
路迷難保歲潦倒趙州雖好手縱也彼鐘鳴
暖心

60 1 2 3 4 5 6 7 8 9

10

80

1 2 3 4 5 6 7 8 9

9

齋後赶来遲_{何特地}我要知大像嘉州路_{直須親到}

一回鐵牛鎮_{斷陝關西}渡你近_{傍處}

及至風來雨

師云不因一事不長一智不喫一交不學一便
所以道撒手懸崖下分身萬象中南泉老漢能
於楂手刺腳處便與解脫以竭世樞機過人膽
量向開口合口處選擇人材露銳利辭鋒尖新
錐刺探拔深細體察虛實復駕慈航來生死海
中無明浪裏以長虹為竿擲月釣雲餌乘風駕

險求任子長鯨不意須臾急流勇退住岸還迷
正值趙州迴舟撥棹頂笠披蓑紅蓼灘頭白蘋
影裏雖避却瀟湘夜雨還蹉過煙寺踈鐘大似
做模搭樣名播嘉州恰如帶水拖泥犇歸陝府
林泉恁麼曲為中下裁長補短剜嵌将来豈非
閑空鎖夢捕影勞形取笑傍觀者歟只如斬猫
兒戴草鞋端的一句合作麼生道如王秉劍由
王意妙用縱橫更莫疑

示衆云休去歇去當可默喧求靜一念萬年去
何妨息慮安禪念茲在茲不為分外休道全無
所以觀來敢有來由怕伊不信試參詳看

舉僧問雲居弘覺僧家畢竟如何

枕石眠雲
樂自由

覺云居山好

指示
分明

師云洪州雲居道膺禪師幽州王田王氏子童
年於范陽延壽寺受業遊方至翠微問道會有
僧自豫章來盛稱洞山法席師遂造焉山問甚

處來云翠微來曰翠微有何言句示徒云翠微
供養羅漢其間供養羅漢羅漢還來否曰你每
日噇箇甚麼山曰實有此語否云有曰不虛參
見作家來後投誠入室洞山許為室中領袖今
則這僧既來問衲僧畢竟的事畢竟本來待有
甚事若一句道有謂之增語若一句道無謂之
妄語不如指教居山自體悉去不見道深山縱
卧龍天喜鬧市安禪佛祖憂雖然恁麼道更須

子細參詳雲居指示別有奇特非止令汝坐守
寒巖異草不解轉身未到無心時應須親到若
到無心處却索迴頭恁般會去方有少分相應
其或未然跳得南堆北阜坐到頭不解跨崑崙

不知投子別教向甚麼處安身立命頌曰

峻屹嵯峨萬仞橫

風吹不入雨洒不著

四邊無路不通

行無你措

足處

自古兩輪光不到

別是乾坤

一夜深王

老入西岑

人知外不許

師云况此寶山人人分上各有一座自是不肯
退隱深藏開遊賞玩空使心猿攀攬意馬奔馳
子細看來落群峰之峻超疊巔之危須弥尚自
難儕太華何足能比倚天橫海妙絕古今雖四
邊無路不許通行其柰當時身先在裏天衣懷
禪師赴杉山請入院上堂云二十年樂慕此山
今日且喜到来因緣際會山僧未到此山身先
到此洎乎來到杉山却在山僧身內林泉道不

想和尚有此肚量此亦心包太虛量廓沙界之
小樣也果能如是任教日月般興廢管甚乾坤
夾是非只如王老夜入西岑又作麼生不如歸
去便歸去欲覓了時無了時
示衆云熱則趨涼非為分外寒時向火亦是尋
常於斯凡聖情忘何必橫生異議莫有傍不肯
惹禍臨身的麼

舉丹霞和尚一日凝寒經院過宿

好客不乃
如無

取殿中木羅漢燒向

不見一法即方得名為觀自在院主

致怒乃蹙眉顰墮落

心疑生暗鬼

師拈云不

會為客勞煩主人

車不橫推
理無曲折

師云鄧州丹霞天然禪師本習儒業入長安應
舉方宿逆旅忽夢白光滿室占者曰解空之祥
也偶禪者問云仁者何往曰選官去云選官何
如選佛曰選佛當往何所云今江西馬大師出
世是選佛之場仁者可往遂直造江西纔見祖

師以手拓幞頭額祖頤視良久云南嶽石頭是汝師也遽抵石頭還以前意投之頭云著槽廠去師禮謝入行者房隨次執爨役凡三年忽一日石頭告衆曰來日刻佛殿前草至來日大眾諸童行各備鋤鏟剗草獨師以盆盛水沐頭於石頭前胡跪頭見而笑之便與剃髮說戒師掩耳而出淘汰有年而嗣法焉唐元和中至洛京龍門香山及至慧林遇天大寒取冰佛燒向院

主訶曰何得燒我木佛師以杖子撥灰曰吾燒取舍利曰木佛何有舍利曰既無舍利更取兩尊燒主自後眉鬚隨落經不云乎心生則種種法生心滅則種種法滅院主致怒一念嗔心起百萬障門開眉鬚墮落何怨乎哉還達此理麼一念不生全體現六根纔動被雲遮未審此時孰能賞鑑頌曰

古蠟苦閉冷侵麻寒時寒飛者驚危走者迷殺闊裕

業識忙忙無本可據夜深寒藝汀洲火大小明白失曉漁家

輒自疑若能常克已終不怨他人

師云千山鳥飛絕萬徑人蹤滅孤舟蓑笠翁獨
釣寒江雪正當此時萬境消沉十方黯黑乾剝
剝兮滴水冰生冷清清兮撼頰打戰非止古巖
苔閉緊掩柴扉飛走驚危俱難觀向忘情懷之
計較絕凡聖之階梯知性火真空了性空真火
徧周法界普應河沙欲使一切衆生了了明明

頭頭不昧其奈曲高和寡以是為非大抵東行
不見西行利巧兒做處拙兒嫌莫恠漁家疑情
尚在嘵夜塚髑髏元是水客杯弓影竟非蛇性
空心月無圓缺枉被迷雲取次遮

示衆云鶴兒未出窠已有摩霄志虎子未絕乳
已有食牛氣具此作略坐觀勝敗立驗輸羸者
是誰

舉洛浦初參夾山莫教虛費草鞋錢山云鷄極鳳巢

卷之三

卷之三

卷六

卷之二

大小壓

浦云自遠趨風乞師

一接禮下於人

山云

目前無閻黎此間無老

當面
僧諱却浦便喝

刑
真

山云且莫草草忽忽須
異索另者截斷天下人

舌頭即不無爭

教無

舌人解語唵阿音噃浦無語

塞箇山便打體

罰師明

拈云到這裏作麼生道
一氣連枝木鷄啼子夜

遂代云無目續

雙鳳

語帶玄而
無路舌頭

不談而

師云澧州洛浦山元安禪師鳳翔麟遊人艸歲
出家二十具戒廣通經論問道臨濟後為侍者
濟嘗對衆美之曰臨濟門下一隻箭誰敢當鋒
師蒙印可自謂已足一日陞堂曰臨濟門下有
箇赤梢鯉魚搖頭擺尾向南方去不知向誰家
薹冕裏淹殺師遊歷罷直徃夾山卓庵經年不
訪夾山山乃修書令僧持徃師接得便坐却再

展手索僧無對師便打曰歸去舉似和尚僧回
 舉似夾山曰這僧若開書三日內必來若不開
 書斯人救不得也師果三日後至見夾山不禮
 拜當面而立林泉道只恐不是王是王也大奇
 山云雞栖鳳巢非其同類出去林泉道點檢將
 来不可放過曰自遠趨風請師一接林泉道千
 峰熟到嶽邊止萬派聲歸海上消山云目前無
 閑黎此間無老僧林泉道平生心膽向人傾師

便喝林泉道熟境難忘任渠叫喚山云住住且
 莫草草忽忽雲月是同溪山谷異截斷天下人
 舌頭即不無爭教無舌人解語林泉道近來有
 簡新條款不說麻烏角賽因師佇思林泉道何
 不更下一喝山便打林泉道就裏溪山元來不
 異師因茲服膺林泉道師資緣會處針芥自相
 投林泉見處唯只至此更看花嚴如何科判頌

空谷集

卷一

七

無伴石人夜入山

藏身處

雲籠紅頂絺衣寒

沒縷跡

莫藏身

喝開劫兆

三峰頂

神通廣大

捧出金欄

對日看

莫教特地出塞難

標入眼

師云聲前薦得已落今時句後承當迷頭認影

雖是石人撫掌木女高歌自古至今知音者少
所以蓮峰庵主道榔栗橫擔不顧人直入千峰

萬峰去當此之際雲籠巔頂霧鎖巖阿密密綿

綿了無縫罅故夾山唯一本分事左敲右擊正

按平鋪令伊離滲漏絕識情處參見夾山被他
一喝直得雞山粉碎迦葉亡魂所捧金襴七零
八落此之所謂金剛王劍獨露堂堂擬涉唇吻
即犯鋒鎚者也昔迦葉波持如來所付金襴伽
黎於雞足山中而待彌勒山有三峰如雞三足
故也今言喝開捧出者言語道斷非去來今還
知洛浦夾山父子相投處麼照盡體無依通身
合大道

示衆云三十二相塑盡難成八十種好粧鑾不就匹似告他人不如求自己還有認得的麼

舉僧問踈山如何是佛

你不禮拜更待何時

山云何不

問踈山老漢

見義勇為當仁不讓

師云撫州踈山匡仁禪師吉州新淦人授本州元證禪師出家一日告其師往東都聽習未經歲月忽曰尋行數黑語不如默捨已求人假不如真遂造洞山值山早叅出問未有之言請師

示謨山曰不諾無人肯師曰還可切也無云你即今還切得麼曰切不得即無諱處山他日上堂曰欲知此事直須如枯木生花方與他合一日有僧問如何是佛云何不問踈山老漢古人答話多以徑直截要指示於人故法燈云誰信天真佛興悲幾萬般蓼花開古岸白鷺立沙灘露滴庭莎長雲收溪月寒頭頭垂示處子細好生觀恁麼會得胡用他求自肯承當不勞別覓

頌曰

養子方知在上慈

恩風如報恩

親言無味外人

疑

只為分明極
令所得遲

欲窮滄浪深深處

一直須親到
一迴始得

聽取漁家輒莫迷

不會做官
看傍州例

師云野老負薪歸

催婦連宵織

看他家事忙且

道承誰力問渠渠不知特地生疑惑傷嗟今古

人幾箇知恩德要汝時時知有念念無差故洞

山云向道莫去歸來背父又示衆云欲知此事

如人家養得三箇兒子州裏須得一箇縣裏須得一箇村裏須得一箇一箇能得屋裏錢物用一箇須得外頭錢物用一箇不得外頭錢物用亦不得屋裏錢物用且道那箇合在州裏那箇合在縣裏那箇合在村裏僧乃出衆云三箇莫明輕重否師曰是云如何是此人出身處曰知有却不知有是此人出身處云未審此人從今日去也無曰亦從今日去云恁麼則屬功也曰

是云喚作甚麼功曰喚作功就之功云此人還知有州裏人否曰知有始解奉重矣云恁麼則村裏人全明過也曰是云如何是此人過處曰不知有喚作閑人是此人過處不見先師道今時學道之人須知有轉身處始得又僧問曹山子歸就父為甚麼父全不顧曰理合如斯云父子之恩何在曰始成父子之恩云如何是父子之恩曰刀斧斫不開林泉道一對無孔鐵槌一

任諸人下樓此皆是養子之緣外人疑處若不是明眼宗師深窮性海杜絕迷源一曲漁歌焉能得聽還會麼萬籟有心聞不得孤巖無耳却知音

示衆云直截根源本欲待教疾會尋枝摘葉不須漫費神思莫有不動唇皮道得底麼

舉僧問重雲和尚如何是歸根得旨不勞重

忌錯
商量
云早是忘却不憶塵生擬思已落二
機對面忽

成千
萬里

師云京兆府重雲智暉禪師總角之歲好遊佛
宇誓志出家父母不能止禮圭峰溫禪師剃度
後謁白水獨領微言潛通秘鍵尋回洛下于中
灘瓶溫室院常施水給藥為事有比丘患白癩
衆惡之唯師與摩洗如常餓有神光異香既而
訝之遂失所在遺瘡痂馨香酷烈聚而塑觀音
像藏之師後忽歸終南圭峰舊居一日開步巖

岫間如常寢處倏覩摩衲數珠銅餅櫻笠觸之
即壞謂侍者曰此吾前身道具爾就茲建寺以
酬宿因當雜草間有祥雲蔽日屯于峰頂久而不
散因目為重雲所有猛獸皆引去及塞龍潭
以通徑籠亦他徙後唐明宗賜額曰長興學侶
臻卒上堂僧問如何是歸根得旨曰早是忘却
不憶塵生云如何是隨照失宗曰家貧遭劫云
不憶塵生如何是進身一路曰足下已生草前

程萬丈坑這僧大似窮曹司翻舊案將六祖臨終謂衆道葉落歸根來時無口之語勘當重雲
雲亦不謀而合道早是忘却不憶塵生若這僧
向此一轉語下能於父母未生已前著脚何坑
漿而有落哉怕伊不信更看枝子從頭解說頌
曰

家破人亡何所依

若能純妄想便見一真如

無心無緒話

求歸

惜取草鞋好

十年忘盡來時路

因福致禍

暫憶些

兒總不知

却最觀切

師舉僧問洛浦學人擬歸鄉時如何浦曰家破
人亡子歸何處僧云恁麼則不歸去也浦曰庭
前殘雪日輪消室內紅塵遣誰掃此所以無心
無緒話求歸也尋思到此似與寒山同參山有
詩云欲得安身處寒山可常保微風吹幽松近
聽聲愈好下有斑白人勞嘵讀黃老十年歸不
得忘却來時道若是端的得到不知不會處非

唯參見地藏許伊親見黃蘖雖然如是林泉門下不得點脣擔板

示衆云窓前翠竹囁月吟風庭際蒼松欺霜傲雪非圖眼見耳聞欲使心開意解莫有伶利者麼

舉僧問夾山如何是夾山境

朝看雲片片暮聽水潺潺

山

云猿抱子歸青嶂後鳥喫花落碧巖前

莫向言中

取則直復向
外明宗

誦云心不識心見猶在境情存一念萬別千差所以夾山道聞中生解意下丹青目前則羨久蘊成病青山與白雲從來不相到機緣不挂梭頭事文彩縱橫意自殊嘉祥一路智者知踈瑞草無根賢者不貴林泉道但能明正眼諸見決難謾這僧雖恁麼問夾山雖恁麼答便不可向碧巖青嶂裏商量抱子喫花處折倒法眼云我二十年只作境會浮山圓鑒云法眼要且未得

勦絕既不作境會別作甚麼會自著語云犀因
翫月紋生角象被雷驚花入牙忽有人問林泉
不作境會合作麼生道但云猿抱子歸青嶂外
鳥啼花落碧巖前非唯掣開那僧識鎖更乃捩
轉法眼謾人闕拔還識浮山徹底為人處麼分
付舒州投子替他分雪頌曰

月皎青松鶴夢長尚高夢中說要碧雲丹桂掛羚羊
沒蹤跡斷消息嚴高碧仞千峰雪高看石笋生條半

夜霜

別是一般春色

師云月巢鶴作千年夢雪屋人迷一色功向心
境俱亡人牛不見灑灑落落妥妥帖帖無一毫
差互沒半點交加折莫是境不是境終不惹糺
在於識情之內若挂角羚羊蹤跡尚無著處甚
做羚羊氣息莫慮囉高干仍積雪彌深至理一
言不能漏泄其奈堦前石笋半夜抽條以此看
來是境不是境信手拈來無不是莫教常守繫

驢
櫈

示衆云爭強競弱總是凡情退已讓人那存聖解向此還有不爭人哉者麼

舉僧問曹山佛未出世時如何

雪山修苦行要識五俱輪

曰曹山不如

謙君子

誰不稱揚

僧云出世後如何

為伶

三歲子用盡老婆心

曰不如曹山

將為要津全把斷

誰知逐浪隨波

師云撫州曹山慧霞了悟禪師嗣先曹山本寂

禪師僧問四山相逼時如何曰曹山在裏許云

還求出也無曰在裏許即求出林泉道放去較危收來太速又僧問佛未出世時如何曰曹山不如云出世後如何曰不如曹山此語本二世曹山了悟之語非先曹山本寂禪師之語也不知者師資不辨前後不分而中驗討不審之疾因載於此學者應知僧問德山緣密圓明禪師佛未出世時如何曰河裏盡是木頭船云出世後如何曰這頭踏著那頭掀所以道但參活句

莫參死句於死活句中定取一隻宗眼這僧既
問佛出與未出必有深意曹山答以如與不如
豈無理哉還知麼這畔那邊無不可放行把住
總由他怕伊不信試問投子便知子細頌曰

月隱青山瑞氣高研額望不及梧藏丹鳳覩無寥
無你着無端石馬潭中過切忌拖驚起泥龍
眼處隨波逐浪之海潮任隨

師云洞山道正中偏三更初夜月明前莫怪相

逢不相識隱隱猶懷舊日嫌此明空劫以前威
音之際玉兔懷胎深隱紫微萬一千巖俱無影
象皆正位中事也惟騰騰瑞氣藴藴祥烟碧梧
高聳丹鳳獨棲瞻之不及窺之莫得恰如佛未
出世時無法可說無生可度實際理地不受一
塵曙色未分人皆仰望所以曹山道不如他也
無端石馬經歷寒潭時耐泥龍奔騰巨海於無
見中強見無聞中強聞三十二相歷歷分明十

60 1 2 3 4 5 6 7 8 9

10

80

1

2

3

4

5

6

7

8

9

二分教行行布置向佛事門中不捨一法及乎
天晚總見尋常故言不如曹山也林泉雖恁剖
判将来慎勿便以得失勝負而生計較若解無
中能唱出方知絲竹可傳心

示衆云萬機休罷皆付痴憨千聖不携惟嫌抹
搭莫更有蒸不熟煮不爛的衲僧麼

舉僧問雲居全無學處如何立身

退步就已萬不失一

居云無立身處

巧說不僧如直道

云佛事何勞

認著即不

堪居云不同興化

比類難齊

師云大智如愚大巧若拙本自圓成不勞彫琢
所以永嘉道君不見絕學無為閑道人不除妄
想不求真是他頂天立地盤礴四維巍巍堂堂
磊磊落落豎窮三際橫遍十方只此沒量大人
便是汝本來面目亘古今而非有往來去而非
無何必區區安身立命而已故這僧迷頭認影
剛覓替名雲居老漢因便截勢盡情吐露其僧

頑誕不退展轉生疑將十二時中著衣喫飯運
水般紫日用佛事以當平生雲居不免頂門著
枷道非同每日朝參暮請接物利生興此悲心
化他衆類應須孜孜切切一念萬年不遺時不
失候甚生次第若能如是得處但能忘計較用
時全不費工夫不犯天威試聽舉似頌曰

苔殿烟收紫氣旋寶煙雲合
拱班宸幄退亮
年寂寂簾垂不露顙
鳳樓不宿桃源客非公豈並金

光瞻漢天

比難齊

師云尊貴一路智者難躋至理玄門孰能履踐
由是苔封古殿紫氣盤旋拱密威嚴仰瞻宸幄
慶堯年之寧謐六國安然賀舜日之增明四臣
樂矣畢竟龍樓鳳閣難停玩景遊人從教杏圃
桃源恣縱賞心樂事心光晃耀根根塵塵而普
及寰瀛智炬揚輝物物頭頭而遍周沙界恁麼
會得非止漢天竺土這畔那邊無不是汝立身

之處何也。把住放行全在我。挨來拶去更由誰。
 示衆云。木人把板雲中拍韻出青霄。石女含笙
 井底吹聲騰碧漢。莫有眼中解聽者麼。

舉僧問風穴古曲無音韻如何。和得齊。
羅羅哩哩

古意分明

師云汝州風穴迎昭禪。師初謁鏡清次參南院。
 入門不禮拜。院曰入門須辨主。云端的請。師分

雪舟集

卷二

詩

者同夏曰親見作家來院問南方一棒作麼商量云作奇特商量師却問院和尚此間一棒作麼商量院拈柱杖曰棒下無生忍臨機不見師師於言下大徹玄旨遂依止六年四衆請住風穴又八年李史君與闔郡仕庶再請開堂演法其道大行這僧既發古曲無音之間想非干六律不墮五音設使六么花十八也應斷和決難齊是他風穴以無曲之曲非韻之韻別般響喚

迥出青霄何逸梁之可比哉雖假木雞萬物傍提妙唱自古至今誰能賞鑑若非投子發揚險不幾乎淡了頌曰

古巖月色鎖重雲顯而
不露枯木迎芳曉帶春隱而
急着
彌昨夜星河轉南斗急着金烏隨鳳過天輪
好客無踈伴

師云太陽門下日日三秋明月堂前時時九夏此寔吾宗正偏兼帶理事叶通之微旨也雖則

岐分派列施設不同萬別千差終歸一揆昔湛然居士序萬松老師萬壽語錄云臨濟之宗得者得之於峻拔失者失之於莽鹵曹洞之宗悟者悟之於綿密迷者迷之於廉纖雲門之宗明者明之於緊俏昧者昧之於識情誠哉是言也古巖月色雖鎖重雲非具眼者莫窺其奧騰芳枯木不假陽和唯知心者能帶其春豈止星河宛轉於南斗其由烏鳴超越於天輪不墮功勲

寧拘明暗當此之時還辨別得麼試看磨盤秋
結子非同碓觜夜開花

示衆云問既有宗答亦攸同但肯教意解心開
便不索口啞目瞪莫有於熱惱處令清涼者麼
舉僧問投子劫火洞然時如何照顧燎子却眉毛

寒威威地

心定自清涼

師云舒州投子山大同禪師幼依洛下保唐滿
禪師出家初習安般觀次閱花嚴教激明性海

復謁翠微頓悟宗旨。由是放意周遊後旋故土。
隱投子結茅而居。師一日指庵前一片石謂雪
峰曰：「三世諸佛總在裏。」許峰云：「須知有不在裏。
許者曰：「不快漆桶。」師與雪峰遊龍眠。有兩路峰
問。那箇是龍眠？路師以杖指之。峰云：「東去西去。
曰：「不快漆桶。」問一槌便就時如何？曰：「不是性懶。
漢云：「不假一槌。」時如何？曰：「不快漆桶。」峰問此間
還有人參也？無師將鑊拋向峰面前。峰云：「恁麼？」

則當處掘去也。曰：「不快漆桶。」師居投子山三十
餘載。往來激發。請益者常盈于室。縱以無畏之
辯。隨問遽答。啄啄同時。微言頗多。今唯錄此叢
林。多以不快漆桶為雪峰語。而不知大同答雪
峰語也。這僧將仁王般若經。從來問昔班足王
信外道羅陀語。殺千王頭。屈祀塚間。摩訶迦羅
大黑天神。冀延國祚。普明王請一日假依七佛
法齋。百法師第一法師為王說偈。偈火洞然大

千俱壞此偈凡三十二句王赴死轉為諸王說
 斑足疑問亦聞此偈心開悟解以國付弟出家
 得忍師答以寒威威地為復是滴水滴凍為復
 是霜雪難禁為復是縮項嗟嘆為復是橫身僵
 卧若恁麼會林泉不免奉汝箇三千里外且喜
 沒交涉畢竟合作麼生會曝滾鑊中添乍水飲
 時冷暖自心知頌曰

天地為爐萬物焦内外通紅石人駕浪渡雲霄

高山頂立
 深深海底行風生半夜霜殘重法身無被月

落水寒碧鬢凋多愁早老

師云楊無為道三界炎炎如火聚道人未是安
 身處蓮池勝會待多時收攝身心好歸去恁麼
 看來石人駕浪索渡雲霄木女搖篙同歸性海
 雖是隨流得妙應須返本還源休投寂滅洪波
 莫滯沉空湛水青蘋之末偶於半夜生風紅蓼
 其間未至三更見月霜威既重冰色須嚴冷清

清處却要溫和，寒威威時休嫌寂寞，自然逼鬚。
 不許凋殘管取赤心，居常謹切若肯如斯體究。
 煩麼商量不須還我布單錢，何必償他口業債。
 嘆通耳忠言休不信，莫教辜負老林泉。

林泉老人評唱投子青和尚頌古空谷集卷上



60

1 2 3 4 5

6 7 8 9

10

1 2 3 4 5

6 7 8 9

10

1 2 3 4 5

6 7 8 9

10

1 2 3 4 5

6 7 8 9

10

1 2 3 4 5

6 7 8 9

10

1 2 3 4 5

6 7 8 9

10

四十五